

ՀՏԴ 7.01**Գիտության փիլիսոփայություն**

**ԳԻՏԵԼԻՔ ԶԱՐԴԱՑՄԱՆ ՄԵԽԱՆԻՉԱՑՄԵՐԻ ԲԱՑԱՀԱՅՏՄԱՆ
ԵՎՈԼՅՈՒՑԻՈՆԻՍՏԱԿԱՆ ՀԱՅԵՑԱԿԱՐԳԸ**

Ա. Հակոբյան

Իրականության ճանաչման գործնթացը շարունակական և ներքնապես հակասական երևոյթ է: Մարդկային մտածողությունն իր էռությամբ կարող է տալ ճշմարիտ գիտելիքներ, բայց դեպի ճշմարտություն տանող ճանապարհը պատմականորեն և սոցիալապես պայմանավորված գործնթաց է, այդ պատճառով էլ գիտելիքներն անհրժեշտաբար միավորում են հարաբերական և բացարձակ ճշմարտությունները: Գիտելիքի զարգացումը ենթադրում է պարբերական անցումներ հարաբերական ճշմարտությունից դեպի բացարձակը և հակառակը: Յանկացած տեսական գիտելիք առաջանում է նաև որպես հարաբերական ճշմարտություն, հիպոթետիկ գիտելիք, ենտոն հաստատվում կամ հերքվում:

Դասական իմացաբանությանը և ճանաչողական պրակտիկային միշտ էլ բնորոշ է նոյն գիտելիքի առաջացման և զարգացման մեխանիզմների բացահայտման ձգտումը:

Գիտելիքի աճի և զարգացման տեսությունների համար խիստ կարևոր հիմնախնդիրներից է այն հարցը, թե ո՞րն է գիտության զարգացման կարևոր գործոնը: Արյո՞ք գիտությունը հանդիսանում է պարզապես անհերքելի, ճշմարիտ փաստերի աստիճանական կուտակում, թշ՝ գիտության զարգացման մոդելը պետք է ենթադրի նաև թռիչքներ և անկումներ, որպակական կտրուկ անցումներ:

Գիտության շարժիչ գործոնների հիմնախնդիրը գիտության պատմության և փիլիսոփայության մեջ լուծման երկու տարբերակներ և դրանց համապատասխան երկու հայեցակարգեր է առաջացրել՝ ինտերնալիզմ և էքստերնալիզմ:

Ինտերնալիստների կարծիքով գիտության զարգացման գլխաւոր շարժիչ ուժը գիտությանը բնորոշ ներքին օրինաչափությունները, միջոցները և նպատակներն են: Գիտական գիտելիքը պետք է բննարկվի որպես ինքնազարգացող համակարգ, որի բովանդակությունը կախված չէ նրա կեցության հասարակական-մշակութային պայմաններից, հասարակական կյանքի տարրեր ենթահամակարգներից (տնտեսությունից, քաղաքականությունից, կրոնից և այլն): Ենթադրվում է, որ յուրաքանչյուր նոր գաղափար թվում է նախորդից՝ դիալեկտիկական անհրաժեշտությամբ:

Ինտերնալիզմին բնորոշ է գիտելիքի զարգացման մեխանիզմների կումուլատիվիտական պատկերացումը, ըստ որի գիտության զարգացումը կատարվում է նոր դրույթների աստիճանական ավելացման շնորհիվ, որոնք դուրս են բերվում գիտելիքների կուտակված գումարից¹: Փաստորեն

¹ Կանկե В.А., Философия науки: энциклопедический словарь, М., 2009, с. 125.

կումուլյատիվությունը գիտական գիտելիքների զարգացումը մեկնաբանում է որպես կուտակվող փաստնի աստիճանական քանակական աճ, որի հիման վրա բացահայտվում են առավել ընդհանուր օրենքներ: Գիտելիքի աճը մեկնաբանվում է որպես գծային-քանակական ինքնաշխատայնում: Կումուլյատիվիստական հայցքի տիպական օրինակ է Հեգելի այն համոզմունքը, որ գիտության բովանդակության մեծ մասը կրում է անխախտ ճշմարտությունների բնույթ՝ պահպանվելով անփոփոխ, իսկ ծագող նոր գիտելիքը չի կարող ներկայանալ որպես նախորդի հերքում կամ նրա փոփոխված ձև: Ըստ այս պատկերացման՝ ապագա հայտնագործությունները պետք է փնտրել առկա գիտելիքի մանրամասնացման մեջ: Ուստի, գիտության զարգացման դինամիկան պարզելու համար անհրաժեշտ է կատարել արդեն կայացած, պատրաստի գիտելիքի կառուցվածքի տրամաբանական վերլուծություն: Այսպիսի մոտեցման դեպքում գիտության զարգացման մեխանիզմը մեկնաբանվում է որպես փաստերի ամբարման, կուտակման արոցնի արդյունքում հին և նոր փաստերի մեկնաբանման միջև ռացիոնալ տրամաբանական կապի հաստատում: Բնության և հասարակության ռեալ հատկությունների, հարաբերությունների և գործնարարությունների մասին գիտելիքները, որ մեկ անգամ ձեռք են բերվում գիտության կողմից, հավաքվում են, կուտակվում, ստեղծելով մշտապես աճող և մեծացող յուրահատուկ ֆոնդ, ինչը և պայմանավորում է գիտելիքի աճը և զարգացումը: Օրինակ՝ Արիստոտելը մ.թ.ա. 4-րդ դարում նկարագրել է մոտավորապես հինգ հարյուր կենդանի տեսակներ, 18-րդ դարի ֆրանսիացի բնախույզ Կ. Բլյուֆֆոնը իր գլխավոր «Բնական պատմություն» աշխատության մեջ նկարագրել է մի քանի տասնյակ հազար տեսակներ, իսկ մեր օրերում նկարագրված է մեկ և կես միլիոն տեսակներ: Ինչ խոսք, որ մեկ ու կես միլիոն կենդանի տեսակների ծագման և զարգացման օրինաչափությունների բացատրությանը հավակնող տեսությունը պետք է որ լինի ավելի ընդհանուր, քան թե նախորդները: Այստեղից տպավորություն է առաջանում, թե գիտության զարգացումն ըստ էության միմյանց հերթափոխող տեսությունների ընդհանրականության աճ է: Այս դեպքում հին տեսությունը հաճախ համարում են նորի մասնավոր կամ «սահմանային դեպք»: Կարելի է օրինակներ բերել գիտության ամենատարբեր ոլորտներից. դասական մեխանիկան և հարաբերականության տեսությունը, դարվինյան հայեցակարգը և էվոլյուցիայի սինթետիկ տեսությունը, էվկլիդեսյան երկրաչափությունը և ոչ էվկլիդյան երկրաչափական համակարգերը:

Սակայն նշված տեսություններում ընդունված հասկացությունների միջև հարաբերությունները ավելի մանրամասն վերլուծելու դեպքում պարզվում է, որ այդ տեսությունների միջև ընդհանուրի և մասնավորի հարաբերություններ չեն գործում: Օրինակ՝ ոչ էվկլիդյան երկրաչափությունը չի կարելի համարել էվկլիդեսյան երկրաչափության ընդհանրացումը և հակառակ՝ էվկլիդեսյան երկրաչափությունը չի կարելի համարել ոչ էվկլիդյան երկրաչափության մասնավոր դեպք: Դրանց հասկացական ապարատներում բազմաթիվ պնդումներ տրամաբանորեն և շարադիուսորեն

հակասում են միմյանց: Եվկլիդեսյան երկարաչափությունում հարթության վրա տրված մեկ կետով տրված ուղիղ նկատմամբ կարելի է տանել միայն մեկ զուգահեռ ուղիղ գիծ, եռանկյան անկյունների գումարը 180° է, իսկ շրջանագծի հարաբերությունը տրամադին հավասար է π (3,14):

Ն. Լոքաչևսկու երկրաչափությունում հարթության վրա տրված մեկ կետով տրված ուղիղ նկատմամբ կարելի է տանել մեկից ավել զուգահեռ ուղիղներ, ցանկացած եռանկյան անկյունների գումարը 180° -ից, իսկ շրջանագծի հարաբերությունը տրամադին միշտ մեծ է π -ից:

Ուիմանի մասնավոր երկրաչափությունում մեկ կետով հարթության վրա տվյալ ուղղին հնարավոր չէ տանել ոչ մի զուգահեռ ուղիղ գիծ, ցանկացած եռանկյան անկյունների գումարը մեծ է 180° -ից, շրջանագծի հարաբերությունը տրամադին միշտ փոքր է π -ից:

Այսպիսով Եվկլիդեսի երկրաչափությունը չի կարող համարվել ոչ Լոքաչևսկու և ոչ Էլ Ուիմանի երկրաչափության մասնավոր դեպք, քանի որ վերջիններս «հրավունք չունեն» ընդունելու կորության 0 գործակից (դրանցից առաջինը անպայման ընդունում է 0-ից ցածր կորության գործակից, իսկ երկրորդը՝ 0-ից բարձր):

Թվարկված օրինակներն ապացուցում են, որ գիտության զարգացման ընթացքում հնարավոր են որակական թոփքներ, և շատ հնարավոր է, որ գիտական նոր տեսությունները կասկածի տակ դնեն հին տեսության ճշմարտացիությունը: Իսկ այս երևոյթները ինտերնալիզմի շրջանակներում բացատրություն չեն գտնում:

Ի հակադրություն ինտերնալիզմի՝ էքստերնալիզմը ելնում է այն համոզմունքից, որ գիտության նորացման և զարգացման հիմնական արյուրը, շարժիչ ուժը հասարակության նյութական և հոգևոր պոտենցիալն է, հասարակության պահանջմունքները, նրա մշակութային ռեսուրսները, այլ ոչ թե գիտության զարգացմանը ներհատուկ տրամաբանությունը կամ զուտ էմպիրիկ փաստները:

Երկու ուղղություններն ել ունեն թե՛ առավելություններ և թե՛ թերություններ:

Ինտերնալիզմի առավելությունն այն է, որ նրա ներկայացուցիչները ուշադրությունը կենտրոնացնում են գիտության զարգացման տրամաբանական-տեսական հիմնախնդիրներին: Ինչպես նշում է Լ. Միկեշինան՝ «Գիտության պատմությունը դադարում է կենսագրությունների շարադրանք լինելուց, այն վերածվում է գաղափարների պատմական վերլուծության, ինչը մասնավորապես էական ավանդ նդավ 17-րդ դարի գիտական հետափոխության ուսումնասիրման և հասկացման համար»¹: Սակայն ինտերնալիզմը իր ծայրահեռ ձևերում հենվում է այն ելակետային հիմնավորման վրա, որ «մարդը որպես ճանաչողության սույնելիությունը կարող է համարվել նյութական և հասարակական նախադրյանների վրա»²: Վերջին հաշվով այդպիսի

¹ Միկեշինա Լ.Ա., Փիլոսոփիա պօznանիա. Մոսկվա, 2002, с. 224.

² Կոյք Ա., Օчерки истории философской мысли. Մոսկվա, 1985, с. 137.

դիրքորոշումը հանգեցնում է գիտության զարգացման մեջ ինտելեկտուալ ասպեկտի բացարձակեցմանը և հասարակական-մշակութային ու պատմական ասպեկտի լրիվ անտեսմանը:

Էքստերնալիզմ - առավելությունն այն է, որ գիտությունը չի դիտվում որպես լրիվությամբ ինքն իր մեջ շրջափակված երևոյթ: Ընդգծում է գիտական ճանաչողության պատմականությունը՝ նրա՝ սոցիալական շահերով և գիտնականների կողմից ընդունված արժեքների համակարգով պայմանավորված լինելու հանգամանքը: Միայն այս գործոններով կարելի է բացարձի գիտության զարգացման մեջ որակական թոփշընթը, գիտական հեղափոխությունները, մրցակցող հիպոթեզների և տեսությունների ընտրությունը:

Արտասահմանյան պատմաբան Էքստերնալիստները (Պ.Ֆեյնբարենդ, Տ.Կուն, Ս.Ուլգար և այլն) ուսումնասիրել են գիտության զարգացման կախվածությունը կապիտալիզմի սոցիալ-տնտեսական պայմաններից և դրա հետ կապված գիտնականների փորձարարական գործունեությունից, քրիստոնյա գիտնականների գործունեության կախվածությունը բողոքական եթիկայից և այլն: Սակայն ծայրահեղական էքստերնալիստները (Բ.Վեսս) փորձում են անմիջականորեն տնտեսական պատճառներից բխնցնել գիտության այնպիսի բարդ տարրերը, ինչպիսիք են բովանդակությունը, մնաթողները, հիպոթեզները, անտեսելով գիտության՝ որպես յուրահատուկ գործունեության առանձնահատկությունները: Գիտության զարգացման մեխանիզմների բացահայտմանը միտված ճանաչողական տեսությունը՝ էպիհարենոլոգիան, պետք է կարողանա համակցել ինտերնալիզմի և էքստերնալիզմի դրական կողմերը և հաղթահարել բնորոշ արատները: Դրանում համոզվելու համար բննարկենք հետևյալ օրինակը.

19-րդ դարի սկզբին ֆրանսիան հայտնվել էր տնտեսական շրջափակման մեջ: Արյունաբերության որոշ ճյուղերում դրույթունը փրկելու նպատակով նապոլեոնը գիտնականների առջև խնդիր է դնում կարճ ժամկետում ստեղծել արհեստական ներկանյութեր և հայտնաբերել շաքարենգին փոխարինող բնամթենքը: Հայտնաբերողներին նա խոստացել էր դրամական բարձր պարզեցնել: Սակայն ներկանյութեր այդպես էլ չկարողացան ստանալ, քանի որ գիտության մեջ դեռևս մշակված չէր նյութի կառուցվածքային տնտեսությունը, հայտնի չէր ներկանյութերի մոլեկուլային կառուցվածքը, համապատասխանաբար հնարավոր չէր այն սինթեզել: Մինչեն երկրորդ խնդիրը՝ ստանալ «նոր շաքար» հնարավոր նրավ լուծել: Լատարեցին շաքարենգի կտրվածքի միկրոմոլեկուլային վերլուծություն և հայտնաբերեցին նրա հյութի բյուրենյների կառուցվածքը, այնուհետև փնտրեցին ֆիզիկ-քիմիական հատկություններով շաքարենգի նման բույս՝ բազուկը, և մշակեցին բազուկից շաքար ստանալու տեխնոլոգիան: Օրինակը ցոյց է տալիս, որ գիտությունն իր զարգացման տրամաբանական մակարդակով պետք է պատրաստ լինի սոցիալական միջավայրի կոնկրետ ազդակին պատասխան տալու, հակառակ դնապրում՝ հասարակական միջավայրի ոչ մի գործոն (տնտեսության պահանջներ, զաղափարական

արժեքներ, աշխարհայագրային կողմնորոշումներ) չի կարող պայմանավորել նոր գաղափարի առաջացումը:

Այսպիսով, նոր գաղափարների մեթոդների և տեսությունների առաջացման մեխանիզմը հասկանալու համար անհրաժեշտ է ճիշտ հասկանալ գիտության զարգացման ներքին և արտաքին գործոնների փոխազդեցությունը և փոխադարձ կապը: Այդպիսի հնարավորություն առաջանում է այն դեպքում, եթե գիտելիքի վերլուծության նկատմամբ կիրառվում է էվոլյուցիոն մոտեցում:

Էվոլյուցիոն էպիտեմոլոգիան ճանաչողությունն ուսումնասիրում է որպես կենդանի բնության էվոլյուցիայի պահ և նրա արդյունք: Լյանքը դիտում է որպես ճանաչողության գործնթաց, իսկ ճանաչողական ապարատը որպես բնական և սոցիոմշակութային գործոնների կուլյուցիայի (համատեղ զարգացման) արդյունք:

Առաջին անգամ էվոլյուցիոն մոտեցումը գիտական գիտելիքի վերլուծության նկատմամբ կիրառելու միտքը արտահայտել է Կ.Պոպելը 1934 թվականին իր «Ազատության տրամաբանություն» աշխատության մեջ: Նա նշում է, որ հիպոթեզների կամ տեսությունների ընտրությունը կատարվում է նոյն Դարվինի բնական ընտրության սկզբունքի անալոգիայով: Ընտրվում են այն տեսությունները, որոնք ավելի հաջող են իրենց դրսորում ուրիշ տեսությունների հետ մրցակցության մեջ որոնք ապացուցում են, որ իրոնք ավելի ընդունակ են գոյատևման¹:

Այս մոտեցման հիմքում ընկած է էվոլյուցիայի՝ որպես փորձերի և սխալների անընդհատ գործնթացի մասին պատկերացումը, որն ընկած է ինչպես օրգանական աշխարհի զարգացման, այնպես էլ ճանաչողության և գիտելիքի զարգացման հիմքում: Կենդանին բնագրորեն և ռեֆլեկտիվ ձևով փորձում է հարմարվել շրջապատի միջավայրին, այսինքն գոյության պայքար է մղում, բնությունը դրանցից ընտրում և պահպանում է ճիշտ փորձերը և ոչնչացնում սխալները: Այսպիսով նորի առաջացումը կենդանի օրգանիզմներում փորձերի և սխալների գործնթաց է: Էվոլյուցիոն մոտեցման մեջ այլ կողմնակից՝ Կեմպբելը, այդ պրոցեսը ծևակերպել է որպես «կույր վարիացիաների և սելեկտիվ պահպանման գործնթաց»: Սակայն այդ գործնթացի և գիտության զարգացման գործնթացի միջև գոյություն ունեն էական տարրերություններ ինչը թույլ չի տալիս դարվինյան էվոլյուցիոն տեսությունը համարել գիտության զարգացման գործնթացի անալոգիա:

Ամենաէական հակասությունն այն է, որ եթե կենդանի օրգանիզմների հարմարողականությունը և բնական ընտրությունը պատահական բնույթ է կրում ապա գիտելիքի զարգացումը նպատակային է: Ինչպես իրավացիորեն նշում է Ժ. Պիաժեն, Կենսաբանական էվոլյուցիայի ընթացքում գենների մուտացիան ոնի չկարգավորված պատահական բնույթ, մինչդեռ գիտական ենթադրությունները ու փորձերը պատահական չեն լինում: Պատահական կարող են առաջանալ միայն առօրյա գիտելիքները²:

¹ Поппер К.Р., *Объективное знание. Эволюционный подход*. Москва, 2002, с. 207.

² Пиаже Ж., *Генетическая эпистемология*, СПб., 2004, с. 154.

Այս սխալը շտկելու համար, էվոլյուցիոն մոտեցման ժամանակակից կողմանավիճները որպես գիտական գիտելիքի զարգացման անալոգ ընդունում են ոչ թե Դարվինի էվոլյուցիոն տեսությունը, այլ օրգանիզմների էվոլյուցիայի այլընտրանքային՝ կ. Ուորդինգտոնի հայեցակարգը։ Կ. Ուորդինգտոնը Դարվինի էվոլյուցիոն կոնցեպցիայում մի փոքր ավելացնում է կատարում։ Դարվինը փաստորեն պատկերացում է տալիս միայն զենոտիպի մասին, որը ժառանգական գործոնների այն միազումարն է, որ կենդանի անհատը պատրաստի ստանում է։ Կ. Ուորդինգտոնը դրան ավելացնում է նաև ֆենոտիպ հասկացությունը։ Նա ընդունում է, որ տվյալ զենոտիպի հիման վրա առաջացող օրգանիզմը՝ ֆենոտիպը, չի հանդիանում միայն իր գենների գործունեության արդյունք, այլ ինքն էլ իր հերթին կարող է օրգանիզմում կայունացնել արտաքին միջավայրին հարմարվելու որոշակի հատկություններ։ Այսինքն բնական ընտրությունն ազդում է զենոտիպի վրա ֆենոտիպի միջոցով։

Գենոտիպ հասկացությանը գիտության զարգացման մեջ համապատասխանում են գիտական տարրեր՝ տեսությունները, տեսական գիտելիքը, աշխարհայացքային, փիլիսոփայական արժեքները, որոնք սերնդե սերունդ ժառանգում են գիտական հանրությի ներկայացուցիչները։

Ֆենոտիպ հասկացությանը համապատասխանում է գիտական պրակտիկան և փորձարարությունը։

Эволюционистская концепция открытия механизмов развития знания

А.Акопян

Резюме

В статье рассматривается проблема движущих факторов и механизмов развития науки. Обосновывается, что под воздействием идей универсального эволюционизма, основная тенденция методологических концепций современного научного познания переходит от исследования завершенного знания к исследованию закономерностей возникновения нового знания.

The Evolutionary Concept of Discovery of the Mechanisms of the Development of Knowledge

A.Hakobyan

Summary

The issue of the mechanisms and driving factors of the development of science is analyzed in the article and it is substantiated that under the influence of universal evolutionism, the basic trend of methodological concept of nowadays scientific perception is the transition from the study of perfect knowledge towards the exploration of the regularities of the emergence of new science.